

Usljed prekomjerne upotrebe energije, te drugih izvora zagađenja, 99,6 posto stanovništva izloženo je PM 2,5 zagađenju zraka što premašuje smjernice Svjetske zdravstvene organizacije.

Švedska će izdvojiti 14 miliona konvertibilnih maraka (7,15 miliona eura) za dva projekta čiji je cilj smanjenje uticaja prekomjerne potrošnje energije na okoliš i poboljšanje energetske efikasnosti javnih i stambenih zgrada u Bosni i Hercegovini (BiH) koji će se implementirati putem Razvojnog program Ujedinjenih nacija (UNDP), saopšteno je u četvrtak, 28. januara, iz UNDP BiH.

“Nivo zagađenja zraka u BiH mora se smanjiti kako bi se sačuvali životi i okoliš. Povećanje energetske efikasnosti je ključno u borbi protiv zagađenja zraka. Također, doprinosi pozitivnim ekonomskim i društvenim koristima za građane,” kazala je Ambasadorica Švedske u BiH Johanna Strömquist.

Prosječna potrošnja energije u javnim i stambenim zgradama u BiH je preko pet puta veća od godišnje potrošnje energije u zgradama koje se nalaze u sličnim klimatskim uslovima u zemljama Evropske unije, navodi se u saopštenju.

Izvor: slobodnaevropa.org